

狀元策

前卷上

漢書門類			
三	八	五	七
一	九	八	七
六	冊	架	函

內閣文庫			
三	八	五	七
一	九	八	七
六	冊	架	函

內閣文庫			
番號	漢	3857	
冊數	6 (1)		
函號	363	23	

363-23



國朝歷科

狀元策

世德堂員予梓

皇明歷科狀元策序

狀元策者我

國家

列聖策士之

雄謨諸先達自獻之羔雉也歷

科以來

清問昭垂如綸如綍條吞具在
臚列絲分累牘連篇千端萬
緒若籍又乎靡一總之諸先
達披攬

闕廷符券

明旨鉅可黼黻乎

廟謨細可斧藻乎幾務者也普
天薄海望而知其為經世石
畫矣吾輩可須臾去此帙哉
曩金陵唐氏演次成帙付之
剖氏傳布域中已非一日余
三復卒業領其警竅亦非一

自然猶嘆近科二三策之未
脩頃陪對公車謬次弱侯甫
後間嘗偕弱侯甫取舊本一
繙訂之復取近科二三策而
補葺之洋又纒又庶幾稱一
代完策云蓋無令後之業是
編者復如吳生鄉抱遺珠之
憾也是為序

崇陰曙谷吳道南撰

崇實黜谷吳道南黜

謝世長壽氣

鷓首對吳主曠洪畫卷之

臣魏藻德

臣對。臣聞聖人之治天下也。必有振肅天下之大法。而後可以維久安長治之運。必有淪洽天下之大道。而後可以課熙載亮工之庸。大法何以振肅。經之以文。緯之以武。令順治之風從威嚴而日益著者。是也。大道何以淪洽。育之以仁。正之以義。令親遜之誼從董戒而日益敦者。是也。有法以彰道之用。故因時布令。因俗立教。使天下民風有所懾服。士習有所儆惕。灑然丕變。而無囂凌詭誕之萌。有道以立法之本。故令喻以恕。教設以神。使天下分聯於不忍。貳情結於不忍。離。油然莫解。而無塗飾扞格之象。古帝王所以綏猷立極。建學明倫。而庶績繇之咸熙。萬方繇之寧謐者。其道端不越此。如恃名法之詳。而絀禮樂教化之功。

狂聲容之盛。而鮮壽考。蒸髦之實。則徒善不足以爲政。徒法不能以自行。彼三季之代。古道闕微。人心渙散。而天下脊脊多事者。有繇然也。興哀起救。以迴既倒之狂瀾。按本塞源。以扶久頽之暮氣。端有望於今日矣。欽惟。

皇帝陛下。

剛健中正以時乘。

文武聖神而廣運。

建五有極。四方遵彝。訓之輝煌。

奉三無私。百度歸紀。綱之肅穆。

寶冊衍青鏤之慶歌。重輝重潤於無疆。

靈壇展蒼璧之誠潔。曰且曰明於有赫。

遜志務時敏。修來罔懈。典學之心。允符。

儉德懷永圖。甘節以通。敦樸之醇風。遠布。

金華晝接爲明諧。爲董正。允矣疇咨訪。落之休光。

玉案時親乃啓沃。乃論思。展也辟雍明堂之盛事。

征弗庭以靖國。運籌無煩十扎。白旄黃鉞。救寧已奏。乎膚功。

沛大賚以安民。儲蓄預戒九年。赤縣神州。懷保遍施。其膏澤。

固已六五帝四三王莫罄。臣愚之所得揚。扞者矣。迺猶。

聖不自聖。進臣等於。

廷俯垂。

清問咨以政教。如用人詰兵理財平反之失。苞苴貪殘舉劾。

賢否之弊。以至抽練裁練興屯裕餉保民四事之未臻。實。

效豪紳囂士叛卒妖民之未戢。亂萌一一。

下詢至不憚。

金殿再臨。

瑤階降蹕。仰窺我

皇上求賢求言之切。真不啻饑渴之殷矣。臣草茅微賤。何幸

躬逢

盛際。敢不披瀝葵忱。以效一得哉。臣聞之。易曰。君子以教思無窮。容保民無疆。是君欲保民。未有不先教民者。教以孝弟。而父兄獲子弟之養。教以禮讓。而族黨有媯睦之風。教以詩書。而德行文章有真品真才之造。繇是小子成人。循循焉。各謹門內之儀。而安子弟之職。豈復有頑梗之徒起而走險。以自外于王化者。是教民正保民之要務也。又聞之。易曰。聖人久于其道。而天下化成。是君欲化民。未有不期久道者。肄習久而有以移易其耳。

目訓迪久而有以漸漬其心志。深仁厚澤久而有以滄浹乎肌髓。使鼓舞變化於不自知。繇是潛移默奪適也。焉各安耕鑿之恒。而服庠序之義。豈復有凌競之習出而躍冶以自絕于生成者。是久道實化民之至理也。唐虞命官敷教以來。三代各典。嘗誠重之矣。我

太祖高皇帝肇造乾坤。重闢日月。而創制立法。酌古準今。至明備已。維時禮賢有館。教民有諭。約士有碑。所為萬世立法程者。固靡遺也。

列聖相承。重熙累洽。率無二道。我

皇上闡揚而光大之。政無不舉。教無不敷。而朝夕糾虔。不自暇逸。尤諄諄以

六諭小學孝經是重。則化民成俗之心。何如殷懇。而時勢愈棘。

太平未奏誠有如

聖制所云者。臣伏而思之。夫政有政之文。有政之實。不得其實。雖井田周禮後世未免有弊。倘今大小臣工各能仰體

皇上勵精圖治之思。而爭自濯磨。毋瞻徇。毋巧避。毋塗飾。必求事之實。有裨益者何在。毅然爲之。則何政不可奏。太平哉。教有教之文。有教之實。不得其實。雖飲酒讀法。天下祇爲故事。倘今雍學師儒各能仰體

皇上愷悌作人之意。而爭相勸勉。毋尚浮華。毋聽狂逞。毋開奔競。必求事之實。有砥礪者何在。設誠行之。則何教不可奏。太平哉。一用人也。必真知灼見其人之果堪用者。何如。而卽爲破格用之。久任用之。則其人必以實心任

實事。而無憂以虛文格套掣其肘也。一詰戎也。必真知灼見其戎之急。須詰者何如。而卽爲選良將以詰之。討軍實以詰之。則其兵必以實力收實效。而不致以虛伍疲卒冒其名也。理財豈無長計乎。莫要于重農與蓋弊而已。使人力歸地。地利歸民。而墨吏不得以耗之。則賦入無虧。財用可足矣。棘聽何多。冤民乎。要在乎持平與慎斷而已。使輕重有典。出入無失。而酷吏不得以亂之。則情罪旣當。而刑獄可清矣。如是則苞苴貪殘之風。敢有弗杜。舉劾賢否之間。敢有弗當者哉。至若練兵急矣。而議抽議裁。似宜責令督撫酌其緩急。而定爲經制。則唐臣李抱真練澤潞。先臣戚繼光練薊門之成法。可攷也。興屯急矣。而墾荒水利。似宜專設廉幹大臣相其地

狀元策 宜而多方招集。則漢人力田科宋儒水利齋之遺意可講也。至于保民四事。疊奉

嚴綸諒有司不敢以空文從事。然非撫按監司時爲察覈。務令修練儲備實實可恃。能爲經久之計乎。此皆欲既政之實。而不徒旣政之文耳。以言乎教。尤爲根本之圖焉。

夫

六諭頒矣。有司非不奉行。試問其善果能勸。惡果皆善否。如不實勸及于善。恐民善未必興也。試問其惡果能懲。惡果皆惡否。如不實懲及于惡。恐民惡未必化也。小學孝經。非不群而習之矣。試問士紳家果有如小學之學。果有如孝經之孝者否。如不能實盡其孝與學。恐咕嗶無益。士習未必醇也。行間無知方之卒。閭閻多從賊之民。不

待言矣。伏乞

皇上端本澄源。以建中和之極。然後鼓勵諸臣。循名責實。則政治教化煥然維新。太平何難立致哉。抑臣更有進焉。自虜寇交訐。兵荒疊侵。民生之憔悴至此極矣。管仲曰。倉廩實則知禮節。衣食足則知榮辱。未有流亡轉壑。救死不贍。而師儒之講禮說義可得而行者。禁止貪暴。崇擢廉仁。以恤疾苦。尤今日養民以教民之急務耳。臣草莽無知。干冒

宸嚴。不勝戰慄。隕越之至。臣謹對

氣淵不細輝烈則缺文至且難操
養無狀干冒
黜兼中以出爽若水今日養月以燦月之急蘇耳且草
取不調而相謝之鞞鞞精義何辭而許皆禁止食具禁
會氣實傾映斷前亦貪且傾映榮榮朱亦燕士轉進效
自氣况交瑄其荒登刻另坐之熱料至此避矣皆中曰
如或殊外熱熱蘇廉太平同曠立文造何且更育戲器
皇土繼本盛賦以裏中味之蘇熱對轉風韻亞前谷責實傾
特言矣為了

國朝廷試儀制

三月初十日禮部尚書兼翰林院學士臣某等於
皇極門奏為科舉事會試天下舉人取中 百 十名本年

三月十五日

殿試合擬讀卷官及執事等官少師兼太子太師吏部尚
書中極殿大學士某等六十四員其進士出身等第恭
依

太祖高皇帝欽定資格第一甲例取三名第一名從六品第
二第三名正七品賜進士及第第二甲從七品賜進士
出身第三甲正八品賜同進士出身奉

聖旨是欽此

讀卷官

三閣下 六部尚書 吏部左侍郎兼翰林侍讀學士

詹事府詹事及少詹事 翰林院侍讀及侍講學士

都察院及大理寺官員共一十七員

提調官

禮部尚書及左右侍郎三員

監試官

監察御史二員

受卷官

翰林侍講侍讀及都給事共四員

彌封官

翰林光祿鴻臚都科部屬書舍人共十四員

掌卷官

翰林脩撰編脩檢討及二都科共六員

巡綽官

都督至指揮武職共八員

印卷官

禮部郎中及主事共四員

供給官

光祿少卿寺丞及禮部主事司務共六員

恩榮次第

某年三月十五日早諸貢士赴

內府

殿試

上御

皇極門

親賜策問

三月十八日早

文武百官朝服侍立是日錦衣衛設鹵簿于

丹陛丹墀內

上御

皇極殿鴻臚寺官傳

制唱名

禮部官捧

黃榜鼓樂導引出

長安左門外張掛畢順天府官用傘蓋儀從送狀元歸

三月十九日

賜宴於禮部宴畢赴鴻臚寺習儀

三月二十一日

賜狀元朝服冠帶及進士寶鈔

三月二十二日狀元率諸進士上

表謝

恩

三月二十三日狀元率諸進士詣

先師孔子廟行釋菜禮

禮部奏請

命工部於國子監立石題名

皇明歷科狀元姓氏籍貫履歷

太祖 孝陵

洪武四年辛亥吳伯宗

江西撫州府金谿縣人

名柘以字行治書庚戌江西解元登第授禮部員外郎性剛直不屈忤胡惟庸坐謫未幾召還累遷國子監司業兼武英殿大學士不預閣務尋降檢討為名臣○是科高麗生入試者三人惟金濤中式授安丘縣丞後以不通華言請還本國 詔厚給道費送之尋為其國相

洪武十八年乙丑丁

顯

福建建寧府建陽縣人

字彥卿授修撰後獲譴歸○按辛亥二月 詔各行省連試三年歲貢三百人迨癸丑二月 上以有司所取多後生少年文辭可采然試用之不能措諸行事遂罷科舉舉賢良至甲子復設科取士定于午卯酉之年鄉試辰戌丑未之年會試遵行至今不變

洪武二十一年戊辰任亨泰

湖廣襄陽府襄陽縣人

治易授修撰甚被寵任每召議手書襄陽任而不名歷遷禮部尚書

洪武二十四年辛未許觀

直隸池州府貴池縣人

治易本姓黃字潤伯一字尚賓父贊許氏遂從舅姓會試第一名授修撰歷尚書卿禮部侍郎屬建文改制又為侍中復姓黃靖難兵起觀往九江徵兵聞文皇渡江已正大統乃朝服東向再拜投羅剎磯水中死為名臣妻翁氏携二女投于通濟橋下死今南京鈔庫街立有三仁祠扁題一門忠烈

洪武二十七年甲戌張信

浙江寧波府定海縣人

字誠甫治書後修撰陞侍讀以教韓王寫杜詩舍議刺及勅藁州御製二語得罪復以丁丑考試事誅之

洪武三十年丁丑陳鄭

福建福州府閩縣人

字仲安治禮記多材藝尤精篆隸之術為一時名流

韓克忠 夏榜

山東兗州府武城縣人

字守信授修撰國子司業修明學政尋陞河南僉事

春夏榜考

時主考學士劉三吾紀善白信稻取宋琮等五十一人中原西北無一登第者及廷試以

陳郊為首尹昌隆次之劉士諤又次之下第者以三吾等南人為言上怒命儒臣再考落卷中文理長者第之於是侍讀張信侍講戴燹贊善王俊華司直郎張謙司經校書嚴叔載正字董貫長史王章紀善周衡蕭樞及鄭昌隆仕諤各閱十卷或言劉白鴈信等以陋卷進呈上閱卷益怒親賜策問取克忠等六十一人皆山東山西北直河南陝西四川士也考官信等俱磔殺之三吾以老成邊郊諤安置威寧惟戴燹尹昌隆得釋尋取郊諤歸為司賓司儀署丞復殺之世稱春夏榜以此又謂之南北榜

洪武 庚辰胡廣

江西吉安府吉水縣人

字光大號冕菴授修撰建文君謂其與漢臣同姓名且云胡豈可廣更名靖尋入內閣文皇登極復名廣

累官翰林學士兼左春坊大學士進文淵閣大學士卒累贈少師禮部尚書謚文穆

成祖 長陵

永樂一一年甲申曾 榮 江西吉安府永豐縣人

字子啓治書廷對策幾二萬言不屬草 成祖奇之擢第一賜冠帶朝笏授修撰仕至少詹事兼侍讀學士卒贈左侍郎謚襄敏○是科文皇欲求博洽之士命學士解縉採天文律曆禮樂制度為問惟榮卷對答詳盡上喜御批貫通經史識達天人為問惟榮卷對答詳盡誠擢魁天下躬我文明尚資啓沃惟良顯哉○是科取士四百三十二名江西中式一百十名而吉安府占三十六是科人才莫盛于江西而江西尤盛于吉安云○是科以後狀元悉授修撰榜眼探花悉授編修○按癸未年禮部上言科舉舊例應于午卯酉年鄉試去年兵革倉卒有未及舉行者請以今年秋八月皆補試制曰可故會試改于甲申

永樂四年丙戌林 環 福建興化府莆田縣人

字崇望治書及第之明年陞侍講預修永樂大典為書經總裁官兩為會試考官○是科取副榜舉人廷試之擢周翰等三人俱賜冠帶讀書太學餘除學職宣德間猶循此例至正統後副榜始不復廷試矣

永樂九年辛卯蕭時中 江西吉安府廬陵縣人

名可以字行治詩卒于修撰○按己丑三月當廷試會上巡狩北京詔禮部以所取舉子陳遂等寄監讀書辛卯年車駕還京乃舉廷試

永樂十年壬辰馬 鐸 福建福州府長樂縣人

字彥聲號梅崖治詩終于修撰

永樂十三年乙未陳 循 江西吉安府泰和縣人

字德遵號芳洲治書甲午解元仕至少保戶部尚書華蓋殿大學士徐有貞陷于謙併及循因謫戍尋赦歸卒後又詔復官○是科會試主考梁潛取陳循第一以循鄉曲避嫌改置第二而取林文結又以結字難識取洪

英為第一陳循次之而文祜居第六不然陳循亦中三元矣○是科始詔天下舉人會試北京

永樂十六年戊戌李

騏

福建福州府長樂縣人

字彥良丁酉解元原名李馬與壬辰狀元馬鐸同母異父廷試後上改馬為騏傳臚唱名莫有應者上道其故乃出應終于修撰

永樂十九年辛丑曾鶴齡

江西吉安府泰和縣人

字延年號松坡慶叟治書由儒士預修實錄陞侍講學士掌南院

永樂二十二年甲辰邢

寬

直隸廬州府無為州人

字用大累官侍講學士掌南院○上初取豐城孫曰恭第一嫌其名近暴字曰孫暴不如邢寬擢寬第一以丹書一甲第二一名時稱為異事

宣宗 景陵

宣德一一年丁未馬

愉

山東青州府臨朐縣人

字惟和號澹軒累遷侍讀學士入內閣卒贈禮部尚書謚襄敏楊士奇云宣德以前十五科皆南北士會試未有北士居首選者有之自丁未始

宣德五年庚戌林

震

福建福州府長樂縣人

字赴龍治書及第後以疾歸終於修撰

宣德八年癸丑曹

禹

直隸真定府寧晉縣人

字萬鍾號恒山事繼母以孝聞以癸卯榜授代州學正上書願得劇賊自効改泰和典史至是以督工匠赴京請與會試許之遂登第第二人廷試及第授修撰陞侍講入內閣典制日侍講讀累遷吏部侍郎兼學士正巳隨征歿於軍中贈太傅吏部尚書兼文淵閣大學士謚文襄改謚文忠為名臣

英宗 裕陵

大元策

總考

七

正統元年丙辰周旋

浙江温州府永嘉縣人

字中規號畏菴以春坊庶子同考會試勤於事致疾尋卒

正統四年己未施榮

直隸蘇州府吳縣人

字宗銘在翰林日讀中秘書其力學之勤致行之篤大為楊文定諸老所重踰年卒天下傷之私謚莊僖非角時有張都憲者令屬對曰新月如弓殘月如弓上弦弓下弦弓公應聲曰朝霞似錦晚霞似錦東川錦西川錦為童子郎奇如此○上取崑山張和第一使黃門密至其邸占之以有目青寅二甲第一名

正統七年壬戌劉儼

江西吉安府吉水縣人

字宣化號時雨累官太常與少卿兼春坊大學士卒贈禮部侍郎謚文介

正統十年乙丑商輅

浙江嚴州府淳安縣人

字汝載號素菴治書宣德十年乙卯發解時年二十登第之四年以修撰入閣大順元年以兵部侍郎兼學士

粹石亨為民成化三年復召入十三年以少保兼太子太保吏部尚書文淵閣大學士卒年七十贈太師謚文毅

為冬

正統十三年戊辰彭時

江西吉安府安福縣人

字純道號可齋治春秋由儒士仕至少保兼太子太保吏部尚書文淵閣大學士卒年七十贈太師謚文憲為

名

景泰

景泰二年辛未柯潛

福建興化府莆田縣人

字孟時號竹巖成化間以少詹事居母憂值祭酒員缺上以潛剛方特起用以歷士論疏乞終制許之尋卒

為名

景泰五年甲戌孫賢

河南開封府杞縣人

英宗 字舜卿累官太常寺卿兼翰林學士致仕卒贈禮部左侍郎謚襄敏復位改元天順

天順元年丁丑黎淳 湖廣岳州府華容縣人

字太朴號朴菴官至南禮部尚書謚文僖為名臣

天順四年庚辰王一夔 江西南昌府新建縣人

字大詔號約齋治書仕至工部尚書卒贈太子少保謚文莊○是科有下第安福縣舉人萬經奏同考官修撰劉宣以同縣人見黜上命禮部及內閣試之文多疎謬命枷示禮部前革為民

天順八年甲申彭教 江西吉安府吉水縣人

字教五號東瀧治易○卯江西解元仕至侍講學士○先是癸未二月會試場屋災試官俱越盛免舉人焚死者十餘人上憐之賜死者俱進

憲宗 茂陵

成化一二年丙戌羅倫 江西吉安府永豐縣人

字彝正號一峰治書廷對頃刻萬言授修撰即疏閣臣李賢不奔喪非是謫市舶提舉尋復官以疾辭歸卒諡諭德謚文毅為名臣

成化五年己丑張昇 江西建昌府南城縣人

字啓昭號栢崖歷官左春坊庶子因災異炒大學士劉吉左遷南工部員外郎後以薦復原秩累官太子太保禮部尚書致仕卒贈太子太師謚文僖

成化八年壬辰吳寬 直隸蘇州府長洲縣人

字原博號匏菴治書會試第一名累遷翰林學士掌詹事府尋陞禮部尚書卒謚文定為名臣

成化十一年乙未謝遷 浙江紹興府餘姚縣人

字于喬號木齋治禮記甲午解元弘治中充經筵講官
歷加少傅吏部尚書武英殿大學士弘治末疏乞致仕
薦吳寬王鏊自代嘉靖初起戶部尚書進議
身殿明年致仕卒贈大傅謚文正為名臣

成化十四年戊戌曾彥 江西吉安府泰和縣人

字士美國子生
仕至侍讀學士

成化十七年辛丑王華 浙江紹興府餘姚縣人

字德輝號海日以儒士中庚子第二名官歷禮部侍郎
武廟嗣位逆瑾竊柄惡其不附已御之遷南京吏部尚
書勒令致仕卒後以
戶守仁貴封新建伯

成化二十年甲辰李旻 浙江杭州府錢塘縣人

字子陽號東崖治易庚子解元歷兩
京國子監祭酒仕至南京吏部侍郎

成化二十二年丁未費宏 江西廣信府鉛山縣人

字子允號健齋治書由儒士仕至少師兼太子太師
部尚書華蓋殿大學士三人政府卒贈太保謚文憲
是科禮部尚書周洪謨奏本年天下試錄文多乖謬乞
追奪考官訓導黃奎等聘禮行巡按提問從之

孝宗 泰陵

弘治二一年庚戌錢福 直隸松江府華亭縣人

字與謙號鶴雛
治書終于修撰

弘治六年癸丑毛澄 直隸蘇州府崑山縣人

字憲清號白齋晚更號三江治易歷官
太子太傅禮部尚書卒謚文簡為名臣

弘治九年丙辰朱希周 直隸蘇州府崑山縣人

字懋中號玉峰官至南吏部尚書
卒贈太子太保謚恭靖為名臣

弘治十二年己未倫文敘 廣東廣州府南海縣人

武宗 康陵

字伯疇儒士仕至右春坊諭德兼侍講正德癸酉主應天鄉試尋卒贈祭酒○是科會試副考官所泥門生江陰侍郎程敏政問策秘甚人罕知者其故所泥門生江陰徐經平日窺得之告於同年解元唐寅由是各策舉答無遺寅因自矜誇必得上第為給事中華景及林廷玉所論 詔逮敏政經寅俱下獄按問竟自誣服購敏政家人得之獄成敏政致仕經寅俱充吏

弘治十五年壬戌康海 陝西西安府武功縣人

字德涵號對山授修撰尋以逆瑾鄉人故罷官家居嘗賈維揚以混其迹

弘治十八年乙丑顧鼎臣 直隸蘇州府崑山縣人

字九和號水齋治易官至少保兼太子大保禮部尚書武英殿大學士卒贈太保謚文康為名臣○初閣臣擬魏校第一因其策中有闕陛下在坤寧宮之時多在乾清宮之時少等語不可宣讀即置二甲第九而顧遂得

武宗 康陵

正德二一年戊辰呂柟 陝西西安府高陵縣人

字仲木號涇野治書仕至南禮部侍郎卒贈禮部尚書謚文簡為名臣○是科焦芳子黃中二甲第一劉宇子仁第四皆逆瑾黨也因刻黃中及三甲一名胡纘字策俱授檢討尋改劉仁及邵銳黃芳為編修黃中再進侍講後瑾誅黃中仁為民銳芳纘宗俱坐貶

正德六年辛未楊慎 四川成都府新都縣人

字用修號升菴治易及第後以議大禮不合謫戍滇南傳綜羣籍為海內宗工卒於滇隆慶初贈太常寺少卿

正德九年甲戌唐臯 直隸徽州府歙縣人

字守之號心菴治春秋仕至侍講學士卒于官

正德十二年丁丑舒芬 江西南昌府進賢縣人

狀元 卷一 恩考

字國裳號梓溪已卯以首諫南巡廷杖調福建車船司副提舉辛巳復官修撰甲申會議大禮再杖于廷乙酉卒贈諭德謚文節今配享羅一峰祠為名臣

正德十六年辛巳楊維聰

直隸順天府固安縣人

字達甫號大城治詩累官光祿寺卿○按庚辰會試武宗狩于南涼未及廷試至明年世宗登極始舉之

世宗 永陵

嘉靖一一年癸未姚涑

浙江寧波府慈谿縣人

字維東號明山治詩為經筵講官歷陞侍讀學士○已卯科宸濠變作遂輟鄉試壬午科唐龍巡按江西上疏乞信增舉人名數上從之中武舉人一百九十名

嘉靖五年丙戌龔用卿

福建福州府懷安縣人

字鳴治治禮記仕至祭酒○先是舉人廷試送卷之日彌縫官以會試前取數卷情送內閣以備一甲之選或

內閣密覘狀頭儀貌及平日有聲者且闕卷官出自東閣歸宿私第是歲禮部席書疏其弊乞彌縫官不得豫送卷讀卷官退朝直宿禮部上從之著為令

嘉靖八年己丑羅洪先

江西吉安府吉水縣人

字達夫號念菴治書遷春坊贊善上疏論東宮事宜罷屢薦不起卒贈光祿寺少卿謚文恭為名臣○大學士楊一清等以一甲羅洪先程文德楊名及唐順之陳東任翰六卷進覽上一一品題於洪先曰學正有見言謹而意必忠宜擇之首者於文德曰探本之論于名曰能守聖學以為本此知要之說于順之曰條荅精詳殆盡于東曰仁智之說本諸吾心此不易之論于瀚曰勉厥敬一之為主忠哉後一清等考庶吉士以唐順之任瀚陳東為上御批因取首而盧淮等十六人次之居數日有旨逐年以來每為大臣徇私選取市思立黨唐順之等一體除用有才行卓異學問優正者吏部舉奏收之翰林以備擢用○是科御史周易上言順天試錄文裁改聖經且失體主考右庶子韓邦奇降太僕寺丞左庶子方鵬奪俸四月

嘉靖十一年壬辰林大欽

廣東潮州府海陽縣人

字敬夫治詩儒士卒修撰。先是禮部尚書夏言上疏請正文體諸刻意騁詞浮誕磔裂者擯不得取。詔可。既廷試言復令儀制郎約束諸咸拱聽而大欽獨後至不聞也策起不用。而文氣甚奇。吏部尚書汪鉉得之。詫曰怪哉。以示大學士張孚敬。已定三名。覽之曰。雖破格甚明。健可誦也。取為第二。既呈覽。上御批第一。

嘉靖十四年乙未韓應龍

浙江紹興府餘姚縣人

字汝比號五雲治禮記卒于修撰。先是大學士李時等以取中李璣等十二卷進覽。上批荅曰。卿等以甚作一甲卷十二策來呈。朕各覽一周。其上三說仁禮為正合題意。夫周道善而備。朕所取法。其上四論仁敬夫敬。而能仁他不足說。可以保治。其上下二答泛而滯於行。其下二却似謹。雖與題不合。言以時事。故朕取之。可。甲首餘以次。推去不知。是否。卿可先與。鼎臣看一過。可。同讀卷官看行。上復御批首三卷于韓曰。是題本意。可。第一甲第一名于孫。陞曰。說仁禮之意。好。可。第二名。

予吳山曰。敬為心學之極。此論好。可。第三名。

嘉靖十七年戊戌茅瓚

浙江杭州府錢塘縣人

字邦獻號見滄。治易仕至吏部侍郎。○內閣初擬長洲陸師道狀元。御筆批作二甲第五。改袁煒第一。文華殿宣讀。已出復。召大學士李時。夏言。學士顧鼎臣。入改煒第三。擢茅瓚第一。○是科禮部尚書嚴嵩。劾應天試錄批語。考官既不填名。事屬不敬。又策題以國家祀戎大事為問。所對語多譏諷。主考官諭德江汝璧。沈馬歐陽衢。令錦。永衛。及逮治。提調官府尹孫懋。府丞楊騏。監察御史何鉉。沈應陽。南京法司究問。同考官學正許文魁等。所在巡按。逮問中式舉人。不許會試。後謫汝璧。廣東市舶司副提舉。衢。南雄府通判。○又勅廣東所進試錄。如聖謨。帝懿。四郊。上帝。俱不行。擢頭及陳白。沙倫。迂。剛。之。號。有失。君前。臣名。之。義。且。錄。中。文。體。大壞。詞。義。尤。為。荒。謬。宜。治。罪。得。旨。考。官。學。正。王。本。才。等。布。政。陸。杰。等。按。察。使。蔣。淦。等。俱。命。巡。按。官。速。問。本。才。奪。其。禮。幣。御史。余。光。命。法。司。速。問。仍。通。行。天。下。提。學。官。嚴。禁。士。子。敢。肆。為。怪。誕。不。遵。舊。式。者。悉。黜。之。



嘉靖二十年辛丑沈坤

字伯載治詩仕至祭酒為御史林潤所劾

嘉靖二十二年甲辰秦鳴雷

浙江台州府臨海縣人

字子豫號華峰治春秋仕至南禮部尚書○時讀卷官已定吳情第一因此音吳字讀無上曰無情豈宜居第一遂置第三而因殿廡結雷字乃拔秦鳴雷云○是科言官以翟鑾二子汝儉汝孝既聯中鄉試又聯中會試而崔奇勳乃汝儉等師焦清與汝儉結姻皆得中式下是勅主考左庶子兼修撰江汝璧及同考編修彭鳳歐陽喚及修撰沈坤之中陸燁署員外郎高節之中彭謙江一中皆以賄故且追論癸卯順天主考秦鳴夏浦應騏阿本翟鑾之罪上怒勒翟鑾死詔杖汝璧鳴夏應騏欲欲十革職開任不叙坤仍舊供職一中燁存留廷試節元軍汝儉汝孝奇勳清謙及鳳喚俱為民○是科言官論順天鄉試冒籍中式者上謂侍郎陸傑子光祚太僕寺卿毛渠子廷鳳馮驥卿陳璋子策及孫鎡等十三人得旨光祚廷鳳策姑存留不許會試孫鎡

嘉靖二十六年丁未李春芳

直隸揚州府興化縣人

字子實號石麓治詩仕至少師兼太子太師吏部尚書中極殿大學士卒贈太師諡文定

嘉靖二十九年庚戌唐汝楫

浙江金華府蘭谿縣人

字思濟號小漁治易仕至春坊諭德閣住後以從龍舊臣加大常寺卿致仕

嘉靖三十三年癸丑陳謹

福建福州府閩縣人

字德言號環江治詩官修撰之明年以公誤謫推官累官中允丁憂歸卒

嘉靖三十五年丙辰諸大綬

浙江紹興府山陰縣人

字端甫號南明治易仕至吏部侍郎
兼侍讀學士卒贈禮部尚書謚文懿

嘉靖三十八年己未丁士美

直隸淮安府清河縣人

字邦彥號後溪治易累官吏部左侍郎
兼侍讀學士卒贈禮部尚書謚文恪

嘉靖四十二年壬戌申時行

直隸蘇州府長洲縣人

字汝默號瑤泉治書仕至少師兼太子太
師吏部尚書中極殿大學士卒謚文定

嘉靖四十四年乙丑范應期

浙江湖州府烏程縣人

字伯禎號屏麓治書累官國子祭酒致仕後為惡少所
齷齪巡按邑令共為博擊竟自縊死○先是士習稍偷
有代者有挾册者有羣聚而通者是科 謚增設監試
御史二員持加嚴馬坡獲懷挾舉人十數名枷號禮部
前各杖發
原籍為民

穆宗 昭陵

隆慶二年戊辰羅萬化

浙江紹興府會稽縣人

字一甫號康洲治易仕至禮部尚書贈太子少保謚文
懿○時內閣取李長春王家屏田一萬已定矣 內旨
忽于二甲前進呈卷取萬化
等而長春三人居二甲前云

隆慶五年辛未張元祚

浙江紹興府山陰縣人

字子薰號陽和治易仕
至左諭德卒祀鄉賢祠

神宗 慶陵

萬曆十一年甲戌孫繼皋

直隸常州府無錫縣人

字以德號加潭治書
仕至吏部左侍郎

萬曆五年丁丑沈懋學

直隸寧國府宣城縣人

字君典號少林治易宮修撰未幾上書論首相張居正奪情起復不合移疾歸

萬曆八年庚辰張懋修

湖廣荊州府江陵縣人

字惟時號斗樞治易正午年革為民

萬曆十一年癸未朱國祚

太醫院籍浙江嘉興府秀水縣人

字兆隆號養淳治書累官禮部尚書東閣大學士○是科鄉試外議籍籍咸謂楚解元必首輔張居正以子會居正卒不果而復中少宰王篆子之衡應天正中篆子之鼎篆居正姻親也于是南給事中疏論居正前私其子嗣修懋修登第而併及篆二子又及監試主考等官有旨以居正篆俱削秩諸子俱勒為民

萬曆十四年丙戌唐文獻

直隸松江府華亭縣人

字元徵號抑所治詩歷禮部左侍郎掌翰林院事新議請謚○先是內閣大臣申時行等擬袁宗道第二楊道資第三兩宗道卷屬大學士許國讀音楚上不擇置之二甲第一而後進呈最末卷舒弘志為第三弘志巡撫應龍子年十九策奇麗而語多訛刺時政且侵言官之橫者大臣惜而不敢黜置之前上忽拔之中外驚異且得人也

撫應龍子年十九策奇麗而語多訛刺時政且侵言官之橫者大臣惜而不敢黜置之前上忽拔之中外驚異且得人也

萬曆十七年己丑焦竑

南京旗守衛籍山東日照縣人

字弱侯號漪園治書下西科以修撰典順天副考場中取士文多奇詭用老莊語論者因言中有關節偏坐竑調竑福寧州同知中式數人亦被革黜然皆高才博學文奇僻有之而關節未也至與子科中條議科場事宜亦及此謂宜以離經論而不宜旁及無根且正考已自認難諉而偏坐尤為誣漸矣

萬曆二十年壬辰翁正春

福建福州府侯官縣人

字兆震號春陽治易以龍溪教諭登第歷禮部尚書兼翰林院學士掌詹事府事

萬曆二十三年乙未朱之蕃

南京錦衣衛籍山東茌平縣人

字元介號蘭岫治易歷官南禮部侍郎今起北吏部右侍郎兼翰林院侍讀學士協理詹事府事

狀元第

萬曆二十六年戊戌趙秉忠

字季卿號岐陽
治詩歷官庶子

山東青州府益都縣人

萬曆二十九年辛丑張以誠

字君一號瀛海治詩
選貢生歷官中允

直隸松江府青浦縣人

萬曆三十二年甲辰楊守勤

字克之號現身治詩會
試第一名歷官庶子

浙江寧波府慈谿縣人

萬曆三十五年丁未黃士俊

字亮垣號振中
治詩歷官洗馬

廣東廣州府順德縣人

萬曆三十八年庚戌韓敬

字求仲號上修治易會
試第一名官修撰

浙江湖州府歸安縣人

萬曆四十一年癸丑周延儒

字玉繩號挹齋治書會試第一名
見任詹事府右中允

直隸常州府宜興縣人

萬曆四十四年丙辰錢士升

字抑之號御洽治書見任修撰○是科放榜後部人口
語藉藉謂會元沈同和不識一丁房考給諫韓元祐聞

浙江嘉興府嘉善縣人

之召同和至面試之果曳白韓即上疏自劾得旨三
法司逮問前四篇係夾帶後三篇係第六名趙鳴湯代
為之沈遣
成趙為民

萬曆四十七年己未莊際昌

字景說號羹若治易會試第一名
見王修撰

福建泉州府永春縣人

天啓一一年壬戌文震孟

直隸蘇州府長洲縣人

狀元第

總考

一七

狀元錄

總考

宇文起號湛持治春秋授修撰

天啓五年乙丑余煌

浙江紹興府會稽縣人

字號武貞治春秋授修撰

今上

崇禎元年戊辰劉若宰

直隸安慶府懷寧縣人

字胤平號雷夢治詩經授修撰

崇禎四年辛未陳于泰

直隸常州府宜興縣人

字大來號謙茹治書經授修撰

七年劉理順河南杞縣人

十年劉同升江西吉安

庚辰年魏藻德

歷科狀元總考

狀元曾登解元及會元者一人

商輅

狀元曾登解元者八人

吳伯宗 陳循 李騏 商輅 彭教 謝遷

李旻 楊維聰

狀元曾登會元者八人

許觀 吳寬 錢福 倫文叙 楊守勤 韓敬

周延儒 莊際昌

狀元入相者十二人

胡廣 陳循 馬愉 曹鼎 商輅 彭時

謝遷 費宏 顧鼎臣 李春芳 申時行 朱國祚

狀元官至尚書未及入閣者十人

任亨泰 黎淳 王夔 張昇 吳寬 王華

毛澄 朱希周 秦鳴雷 羅萬化

狀元年少者十六人 皆未及三十者

費宏 林大欽 施槃 楊慎 慎

朱希周 龔用卿 羅洪先 彭教

謝遷 秦鳴雷 康海 陳謹

徐時行 孫繼皋 朱國祚 周延儒

狀元永年者二十人 皆六十以上者

朱希周 謝遷 王華 商輅

楊慎 吳寬 黎淳 彭時

費宏 顧鼎臣 劉儼 呂柟

毛澄 羅洪先 曾棨 秦鳴雷

李春芳 羅萬化 申時行 焦竑

狀元不永者五人

彭教 曾彥 施槃 韓應龍 林大欽

狀元蔭後者三人

胡廣 子權入翰林 吳寬 卒後蔭二子

曹 昂 因土木之變一子為大理評事一為修撰至英廟復辟又官其長孫為錦衣百戶

狀元有謚者十八人

國朝狀元謚俱文惟曾公榮追謚曰襄施公槃傷謚曰莊朱

公希周避謚曰恭

胡文穆 廣 曾襄敏 榮 曹文忠 維 劉文介 儼

施莊僖 槃 商文毅 輅 彭文憲 時 黎文僖 溥

羅文毅 倫 張文僖 昇 吳文定 寬 謝文正 遷

費文憲 宏 毛文簡 澄 朱恭靖 希周 顧文憲 鼎

申文定 時行 唐文 文獻

狀元父子兄弟叔侄翰林者一

費 宏 從弟案 由庶吉士至禮部侍郎 子懋賢 由庶吉士至禮部郎中

從子懋中 正德辛巳探花

狀元父子翰林者三

謝 遷 子丕 弘治己丑探花 費 宏 前見 倫文叙 子以訓 正德

丁丑榜眼

狀元父子元魁者一

秦鳴雷 子文 弘治壬子解元

狀元兄弟翰林者五

曾鶴齡 兄鶴椿 慶吉 彭 時 從弟華 景泰甲戌會元選庶吉士

費 宏 前見 秦鳴雷 兄鳴夏 嘉靖壬辰中允

張懋修 兄嗣修 萬曆丁丑榜眼

狀元兄弟入閣者一

彭時 以太常寺少卿入文淵閣轉吏部尚書加至少傅

從弟華 由吏部尚書入東閣改禮部尚

書致仕

狀元兄弟翰林官至一品者一

費宏 少師吏部尚書 從弟宋 正德辛未進士由庶吉士官至少保禮部尚書

兩狀元同胞者一

馬鐸 李騏 長樂馬某娶妾生子鐸久矣妾妬不容孕而嫁之歸同邑李氏生丁故以馬名中永

樂丁酉解元廷試後上改馬為騏一母而生兩狀元可謂奇矣

狀元祖孫鼎甲者一

曾鶴齡 孫追 成化戊戌探花

狀元父子合三元者一

倫文敘 由儒士中會元狀元 子以諒 由儒士正德丙子解元 以訓 由儒士正德丁丑會

元榜眼○父子三人各占一元奇矣且父子會元又兩中鼎甲皆由儒士中也不益奇哉

狀元父子尚書者一

王華 大宗伯 子守仁 大司馬

狀元父子兩中元魁官至卿貳者一

謝遷 成化甲午解元乙未狀元官至吏部尚書 子丕 弘治辛酉解元乙丑探花官至吏部侍郎

狀元兄弟卿貳者一

彭時 禮部尚書 華 禮部尚書 禮部侍郎華弟

狀元以儒士中者三人

王華 倫文叙 林大欽

狀元由卑官者二人

曹 瑄 由泰和縣典史 翁正春 由龍溪縣教諭

狀元同榜得五相者一

正統戊辰科安福彭 時 以第三名中狀元 眉州萬 安 第二名

潮縣岳 正 第一名以上三人皆首三名 博野劉 吉 壽光劉 翔

狀元同榜得四相者一

洪武庚辰科吉水胡 廣 建安楊 榮

石首楊 溥 新淦金幼孜

狀元同榜得三相者四

成化乙未科餘姚謝 遷 吳縣王 鏊 大寧曹 元

嘉靖丁未科興化李春芳 江陵張居正 歷城殷士儋

嘉靖壬戌科長洲申時行 太倉王錫爵 鄞縣余有丁

萬曆癸未科秀水朱國祚 福清葉向高 晉江李廷機

狀元鄉試一榜得三大魁者五

永樂乙酉科福建榜莆田林 環 丙戌狀元 長樂陳 全 丙戌榜眼

莆田黃 場 巳丑探花

永樂庚子科福建榜長樂林 震 庚戌狀元 莆田陳 中 辛丑會元

連江趙 恢 癸丑榜眼

狀元

二五

狀元

天順己卯科江西榜吉水彭

教癸未狀元

泰和羅

景癸未探花

寧都董越已丑探花

嘉靖己酉科浙江榜蘭谿唐汝楫庚戌狀元

會稽陶大臨丙辰榜眼

蘭谿趙志臯戊辰探花

嘉靖甲子科應天榜旗手焦茲已丑狀元

蘇州劉斌辛未榜眼

江寧余夢麟甲戌榜眼

狀元一郡同年得三大魁者一

洪武庚辰科狀元胡廣吉水榜眼王良吉水探花李貫廬涉

狀元一縣同科得兩大魁者五

洪武庚辰科狀元胡廣王良俱吉水縣

成化戊戌科狀元曾彥探花曾進俱泰和縣

成化辛丑科狀元王華榜眼黃均俱餘姚縣

嘉靖乙未科狀元韓應龍榜眼孫陞俱餘姚縣

天啓壬戌科狀元文震孟探花陳仁錫俱長州縣

狀元一甲俱聯科者七

洪武丁丑科狀元陳郊榜眼尹昌隆探花劉仕諤

會元宋琮俱丙子舉人

永樂丙戌科狀元林環榜眼陳全探花劉素會俱

酉科舉人

永樂壬辰科狀元馬鐸會元榜眼林誌探花李鈺

狀元六世科第者一

俱辛卯
科舉人

永樂戊戌科狀元李 騏 榜眼劉 江 探花鄭 真俱

西舉
人

正統丙辰科狀元周 旋 榜眼陳 文 會元探花劉定

俱乙卯
舉人

萬曆乙未科狀元朱之蕃 會元榜眼湯賓尹 探花孫慎

俱甲午
舉人

萬曆戊戌科狀元趙秉忠 榜眼邵景堯 會元探花顧起

俱丁酉
舉人

狀元六世科第者一

柯 潛 從弟燉成化丙戌進士僉事 德贊舉人推官 從侄拱北弘治進士

侄孫英弘治己未進士知府 英子維熊正德丁丑進士工部郎中 維罷舉人知縣 維騏嘉靖

癸丑進士 戶部主事 維騏孫茂竹萬曆癸未進士 茂竹子景萬曆甲辰進士知府

狀元四世科第者三

王一夔 子綱成化辛卯舉人 孫麒弘治癸丑進士太僕寺卿 鳳辛卯舉人 曾孫廷傑

嘉靖己未進士大理寺卿

費 宏 親叔瑄成化乙未進士參政 珣景泰癸酉舉人 瑞成化癸卯舉人 從弟

宋正德辛未進士禮部尚書 親弟完癸酉舉人 子懋賢嘉靖丙戌進士選

從子懋中正德辛巳探花 懋文舉人知縣 從孫堯年嘉靖壬戌進士

林 環 子繼舉人 從子思承景泰甲戌進士知州 孫偃舉人 偃舉人 偃舉人 偃舉人

嘉靖己未進士

嘉靖己未進士

嘉靖己未進士

狀元

茂達 弘治壬戌進士副都御少 曾孫 祿 舉人 教諭

狀元三世科第者六

吳伯宗 元卿貢進士 子仲宴 三河知縣

任亨泰 永樂癸卯舉人 子顯宗 景泰庚午經魁同知

秦鳴雷 弘治癸丑進士 父文 弘治癸丑進士 親叔禮 已未進士 武 正德丁丑進士 從兄

鳴春 舉人 鳴夏 嘉靖壬辰進士 從子懋德 舉人 懋繩 舉人 懋約 舉人

黎淳 成化甲辰進士 子民表 弘治庚戌進士 從子民獻 癸卯科舉人

民望 乙卯舉人 孫循紀 辛酉舉人 循典 正德乙卯舉人

曾鶴齡 丙戌庶吉士 子序 宣德丁未參議 蒙簡 正統乙丑廉使 孫追 成化

張元忭 嘉靖丁未進士 父天復 太僕寺卿 伯天衢 壬午舉人 弟元廣

癸酉舉人知天衢子 乙未進士 汝霖 乙未進士 汝懋 癸丑進士

北直隸狀元

許觀 邢寬 施槃 吳寬 錢福 毛澄

朱希周 顧鼎臣 唐臯 沈坤 李春芳 丁士美

申時行 孫繼臯 沈懋學 唐文獻 焦竑 朱之蕃

張以誠 周延儒 文震孟 劉若宰 陳于泰

浙江狀元二十人

張信 周旋 商輅 謝遷 王華 李安

姚涑 韓應龍 茅贊 秦鳴雷 唐汝楫 諸大綬

楊維聰

狀元

范應期 羅萬化 張元忭 朱國祚 楊守勤 韓敬
錢士升 余焯

江西狀元十七人

吳伯宗 胡廣 曾棨 蕭時中 陳循 曾鶴齡

劉儼 彭時 王一夔 彭教 羅倫 張昇

曾彥 費宏 舒芬 羅洪先 劉同升

福建狀元十一人

丁顯 陳郊 林環 馬鐸 李騏 林震

柯潛 龔用卿 陳謹 翁正春 莊際昌

湖廣狀元三人

任亨泰 黎淳 張懋修

山東狀元三人

韓克忠 馬愉 趙秉忠

廣東狀元三人

倫文叙 林大欽 黃士俊

河南狀元二人

孫賢 劉理順

陝西狀元二人

康海 呂柟

四川狀元一人

下... 林大燿 黃士欽
魏東... 三人
韓克忠 謝 猷 乘忠
山東... 三人
孫... 蔡 戰 裴懋德

丁丑科 崇禎十年

皇帝制曰朕惟洪範八政首重在食

天生五材誰能去兵是兵食兩者固經世之大端也周制寓兵于農不出比閭族黨鄉遂之間而伍兩卒旅之軍師已具第司馬于農隙講武事而已當其時居足以守出足以戰田足以耕而食內順治而外威嚴何其盛歟後世藉兵以衛民賦民以養兵而兵與農遂分而為二乃兵日驕玩民日凋敝古法豈不可復行歟漢初南北兩軍猶調諸農後增募期門羽林八較尉等軍而兵制壞唐貞觀中置府兵最為近古漸更為曠騎而虛弱日甚其沿革得失之政可得而縷陳歟洪惟我

太祖高皇帝肇造區夏首

代元卷

首卷丁丑科

加意留屯

勅五軍都督府言古養兵而不病農者莫如屯

命天下衛所督兵屯糧庶幾兵農兼務國用以舒又

諭兵部曰屯田之政可以紓民力足兵食邊方之計莫善于此

洋洋

聖謨垂慮深遠直駕漢軌唐與成周比隆可得而揚厲其盛歟承平日久寢失初制各邊始仰給內帑年例日增濫觴不可底止朕纘紹丕緒十載于茲適值虜寇交訌宵旰靡寧倦憊于安攘大計無時不飭籌餉而餉之窘匱愈甚且耗竊莫可詰矣無時不飭練兵而兵之單弱如故且增募日踵請矣民力不堪再加呼庚勢難姑待將何術而可仰議者未嘗不言清屯開墾而條飭徒中尚鮮寔効其故何歟

又有謂屯與鹽相表裏非盡復輸糧開中之舊制屯政必不能興其說然歟否歟且屯鹽固屬本計葢又未濟目前抑別有生節之道否歟又在萬曆初聞太倉之米足支數年今直無終歲之計兵食交誦未有甚于此時者也及今不圖後將何繼昔唐以建中之耗竭用一劉宴即能使國用充足而民不困敕李抱真憂山東軍伍凋刈與屯較射不三年而兵精庫實遂雄視列鎮豈非實心任事之明效歟夫儒者動稱王政薄言富強今求一能為富強如劉晏李抱真之流而不可得亦士大夫之耻也諸士必有概乎中矣矣其悉據所見以對朕將有採焉

臣 劉同升

臣 聞帝王之治安四海而承叙萬年也有經世之大

大元策

首卷丁丑科

道養天下之元氣而成敦大之體有救世之大權振天下之神氣而奮明作之用何謂經世之大道安嘗可久守書一以宜民而不以補葺苟且開後世機謀術數之端然非迂遠而濶于事情何謂救世之大權通變不倦竭心思以裕國而不以膠柱執方隘王政酌盈濟虛之理故識時務而貴乎俊傑是故儒者言經濟則薄管商而不知能為管商者乃能不為管商也蓋管商非無學術可以治一國不可治天下乃其不為管商而豈不為富強抑儒者言事業則稱呂葛而不知有呂葛之心者不患無呂葛之才也蓋呂葛能忘身家可以堅一心即可任一世乃其不為呂葛而又豈為葉孔是故天下之治法不在法而在人天下之治人不在事而在心自古聖帝明王以之誠功履績此道

皇帝陛下

玄德建極

聖學集成

聰明睿知以有臨

巖恭寅畏而無逸

曰肅曰又曰哲曰謀道咸備而發圖書之蘊乃聖乃神乃文乃武心廣運而開迪吉之先鳳德來儀歌功詠叙之景淑撫舜絃則鮮愠蒼生

河清獻瑞觀光揚烈之精神陟禹蹟則敷教海表

郊禋步禱念民力之普存
斬平時和年豐宛然豳風之咏
匪修耕藉之舊文

太廟齋居維孝思之錫類
達于繼志述事遐哉天保之章
皆寫續承之新德人稱

太平天子世頌
有道聖人乃猶

萬幾之遐進臣等於

廷諮以治道謂古之兵疆
食足今之兵騎食匱推原漢唐之
制考求

國初之規其亦有救時法

祖之思乎臣草茅無識然目擊時艱懷請纓之志切處堂之憂
久矣收不效于慮之一得為芻蕘之

獻犬國安崇文時棘尚武臣竊以為過矣聖人安不忘危文武
並重慮至殷也十古之談兵食者莫詳於孔子其曰足食
足兵民信之矣大旨以兵食與民分為三者則民之與兵
不得而混之為一也夫秉耜而耕者民也持戟而戰者兵
也後之兵民不分并食亦不分驅市人而膏斧則病在兵
抽屯籍而補伍則病在食簡壯丁以禦侮則病在民一者
失而三失之也烏知却菜墮費為聖人之作用哉洪惟

太祖高皇帝混一華夷

成祖文皇帝定鼎燕薊數幸開平三犁虜穴雄略過漢唐遠矣
列聖重光承平日久我

皇上英毅中興而奴插外訖流寇內擾調兵議餉歲無寧日臣
庶皆曰賴

睿等嚴明滅此朝食而度支告訕三軍有庚癸之呼熊威虎奮
未聞也更番無計七月有平歲之虞烏驚獸散可憂也在
昔

高皇帝勅五軍都督府如意留屯言養兵而不病農又其
諭兵部曰屯田之政可以紓民力足兵食邊方之計莫善于此
洋洋

聖漢萬世良法也夫漢南北軍易而爲期門羽林入較尉而漢
兵弱矣何以易之南北兩軍久而不足用故也唐府兵易
而爲彍騎而唐兵弱矣何以易之府兵久而不足用故也
南北軍之力不足用而南北軍之食不可問增一軍多一
食則漢之末流不徒兵法壞而餉法亦壞府兵之力不足
用而府兵之食不可問變一兵耗一食則唐之末流不徒

兵法壞而餉法亦壞然

聖制猶未及宋也夫宋兵之弱殆又甚焉聚天下之兵於京師
無一足用有急則遠望勤王靡天下之食於京師無一足
恃多警則搜括民力此尤弊極可爲殷鑒者乎

聖制曰開墾屯田條飭徒申尚鮮實效夫開墾之效實未易也
國初龍江之屯盛於前代其他麗邑往往有之一沒於勦賊
之請乞一隱於豪右之侵占而田爲子虛之賦矣雖有趨
先國棗祗屯于何所乎則垂之

令甲而限田之制可行也

聖制曰屯田與鹽相爲表裏宜復舊制夫舊制之復誠未易也
國初開中輸粟實邊利國通商往往稱便一壅于折色之小
利一滯於竈戶之私販而家擅煮海之富矣雖有夷吾計

然而策何所施乎誠布之

功令而輸公之誼宜勸也

聖制曰建中之耗竭用劉晏而國用充足民不困敝何說也夫晏非第以心計為長其經世之識有過人者即如用鹽法之吏皆選臺閣之才佐之而不委之鑽尾之士故染指風絕而國課自清矣

聖制曰山東之凋剝用李抱真而興屯較射三年兵精何說也夫抱真非僅以勇敢著名其忠謹之心有感人者是時諸節度之橫獨其乃心王室而不貳而世為干城之夫捐竿奸寢而唐室安矣彼二臣者豈非管商之流亞哉未必懷呂葛之心也而今之士大夫學堯舜之道卒不與管商同功微職者為士大夫耻而士大夫亦自耻之也

皇上不負臣子臣子自負

皇上耳方今全盛之時嗷嗷焉憂兵憂餉而束手坐觀則

國體不壯怒怒焉憂奴憂寇而藏心規避則士氣益衰如燕

馬肥守防何策東出西沒劉撫何局獨令

宵旰自勤亦祿食驚心而計不忍出此者也夫屯政非一日之

功也而外省調兵僅循故事伏惟

皇上簡京營之昌詭汰老弱之耗糧以于謙之練團營者行之

此諸臣所不敢言而恐任德怨者也有臣如抱真任一人

足矣

皇上念兩淮之咽喉恤五方之利害以周忱之火巡撫者處之此人所不及慮而視為尋常者也有臣如晏任一人亦足矣且善理財者但理其用而已矣故不曰財而必曰用誠

知舊制之何用則知新制之增何為也誠知額內之何用
額外之增何為

收邊而內省隨其難於事大計

實和自漢亦新食蓋必而指不逐出此皆少夫中如我一一之

國雖不此致然其憂家而燕必其幾則士京其

皇主事古今全盛之邦如如謀憂其憂而束手坐聽

皇主事古今全盛之邦如如謀憂其憂而束手坐聽

甲戌科 崇禎崇年

皇帝制曰朕聞帝王之治莫隆于唐虞乃臯陶陳謨不出知人
安民兩端而謂能替而惠惟帝其難何慮慮也又有謂堯舜
知不徧物仁不徧愛急親賢之為務似簡重知人者豈翁受
敷施在敦庸命討之先而哲能官人尤為要歟洪惟我

太祖高皇帝肇造區夏

成祖文皇帝載靖邦家皆孜孜訪求賢才以圖治理令內外諸司
各舉所知責成吏部甄別賢否因材授職都察院奏聞又如
六部官毋得輕調藩臬選用賢能牧守須令久任洋洋

聖謨作述同揆真軼殷周而媲美唐虞可得揚厲其舉歟
列聖相承率遵茲軌奕葉重熙良非偶然之故已朕嗣續丕圖觀
揚

先烈兢兢惟恐失墜第所與其治天下者士夫也。今士習不端欲速見小茲欲正士習以復古道何術而可。奴酋本我屬夷地窄人寡一旦稱兵犯順而三韓失守其故何歟。目今三協關寧以及登津等處各宿重兵防奴也。奴不滅兵不可撤餉不可減。今欲滅奴恢疆如何作用。且流寇久蔓錢糧缺額言者不體國計每欲蠲減民為邦本朝廷豈不知之。豈不恤之。但欲恤民又欲飽軍何道可能兩濟。即屯田鹽法誠生財之源屢條議申飭不見實效其故何歟。至於漕糧為三軍續命馬匹為戰陣亟需折截掛欠遂失原額原制何道可復。今雖東奴猖獗河套有可復之機邊外儘可作之事但難於奴賊窺伺朝野匱乏近降夷繼至作何問暇流賊漸逸鄖廣海寇時擾浙閩剿滅不速民難幸已兼之水旱頻仍省直多故作何

挽回消弭又唐宋曾以武臣為中書令樞密使文武似不甚分我

太祖高皇帝曾以直廳為布政典史為僉都今奈何牢不可破爾多士留心世務久矣其逐款對答無諱朕將親覽焉

臣劉理順

臣對臣聞帝王之弘先緒而隆大業也必其君以實事課其臣而後分猷佐理有百度維新之象必其臣以實心效於君而後政事修治成一。人垂拱之休何謂實事。因職以察其能是也。人不必問崇卑。苟不必分內外。而惟以職察其能。賢者有以見長。庸者無以覆短。殿最迥若蒼素。而國家因以有紀綱。何謂實心。盡忠以致其身是也。事不必問難易。時不必問順逆。而惟以忠致其身。則智者無不竭之

才勇者無不殫之力。忠貞篤於堂陛。而人心乃以有分。謹蓋有實心。方能措寔事。而課實事。政以求實心。唐虞三代之所以熙庶績。而聯一德者。此其道也。第國家當平治之日。法冷未弛。而振舉之極易。然防微杜漸。聖人猶有憂焉。蓋以為易而狃之者。治之所自隳也。國家承熙洽之後。情俗日偷。而整頓之頗難。然拯溺濟否。聖人必且勞焉。蓋不以為難而諉之者。治之所日茂也。慨然以用賢圖治為己任者。真大有為之君。而堯舜親見政在今矣。欽惟

皇帝陛下

剛健中正之威備

聰明睿智以有臨

念念敬

持小心以保泰。而豈弟弥性。坐享四十七載之昇平。

靖大慙以享屯。而子孫君王。駢集億千萬年之鴻祐。固已破弓卧鼓。靜瀾恬波。赫然稱綦隆盛際哉。乃猶慮風俗之敗壞。出紀綱之廢失。兢兢焉求所以肅人心。維世道者。進臣等于

廷俯賜

清問。臣章弟未品無足效前。善而幼學有懷。敢不摭所蘊為

明廷獻焉。夫人心之不能無惕玩也。非有以振肅之。則玩者日玩。究將有極重不可反之勢。世道之不能無陵夷也。非有以維持之。則夷者日夷。敝且有日大。豈不可支之象。振肅維持之術。舍紀綱其誰屬哉。周樸棫之詩曰。勉勉我王。綱紀四方。蓋勉勉乃所以綱紀也。宋儒朱熹之言曰。有紀綱持之于上。而後有風俗驅之于下。蓋持之乃所以驅也。顧始未嘗不修明。而後漸以墮壞也。

當其修明也。君曰：張皇。臣曰：懲茲。上下志同，易所爲係，泰也。及其隳壞也，君曰：莫違。臣曰：雷同。上下與止，易所爲係，蠱也。泰者通也，不惟上下通而世道人心亦與之俱通通而塞隨之平波往復之運，可忘艱貞乎？蠱者壞也，不惟國事壞而人心世道亦與之俱壞壞而治因之先甲後甲之事，可忘振育乎？漢興法度簡約，恭儉嗣世而清淨畫一，蕭規曹隨，然而痛哭流涕之疏賈洛陽，猶有寒心焉。唐世貞觀鳴盛，開元繼響，而房杜姚宋同心輔政，然而魏徵張九齡之言，蚤已負先見矣。宋以忠厚開基，亦以積弱胎亂，而紹聖紛紜，定釀大釁，千載上下間治亂興衰，豈不以紀綱修壞，固挫于精神之張弛哉！我

太祖皇帝肇造區夏，一洗胡元腥穢之習。

成祖文皇帝再靖家難，重廓日月，繼照之勳。六卿率屬，各修其職。文

武分曹，不侵其權。官方嚴飭，如農有畔，寺威明辨，如墻有垣。士安于岸，守末字之貞兵；安于伍，奉罔越之令。吏耻舞文之智，里無爭攘之風。冠履之分，炳若日星；品式之守，嚴于天澤。煌煌乎大明會典一書，真宰物御世之上理。超軼漢唐宋而上之矣。我皇上以首出之資，紹繹大統，濟承鴻業，其修明政令以繼述

祖宗之大法，罔有愆道。

御極之物，庶幾化行俗美，不替遺烈。邇來乃稍不然者，法守何漸隳也。人情何滋玩也。德意何以壅而不究也。且

詔令何以格而不行也。陵夷之甚，申飭莫救，請就

明問所及而極言之，可乎？夫職業之隸于位，不可越也。而今且蔑視之隄防之設于下，不可潰也。而今且侵軼之偏裨而犯大帥，僚屬而抗官長，則陵甚矣。奸胥而傾有司，亂民而攘富室，則橫甚

矣。而且說士耶。棄我東魯。迨彼西竺。是謂甚淫。而且說民耶。木石文綉。倡優后飾。是謂甚侈。而且說官耶。借人地以分畛域。別好惡以生羽落。是謂甚競。而且說國耶。婦姑而忿勃谿。同室而逞戈矛。是謂甚囂。中于人心。人心將日澆。流于世道。世道將日潰。昔人患燕堂。茲不啻燃眉也。昔人憂曆火。今不啻燎原也。夫在紀綱。果徒在紀綱乎。將無上之任乎。抑上與下交任之乎。漢崔寔謂政衰俗敝。在承平日久。而專傲其主。宋蘇軾謂紀綱頽壞。由上下因循。而交責其臣。則今日梗概。固可得而陳矣。

高皇帝創業艱難。宋葉劉王日贊。惟議居安思危之訓。無日不申。傲焉。

文皇帝守以兼創。三楊同心。魚水歡洽。宵衣旰食之勤。畢世如一。日矣。以故提綱挈紀。法立而不犯。令行而不逆。儼然萬世立隆。今

金華軍御不聞

召見之睥容。章奏度閣莫徼止。

輦之霽聽。而考選幾同積薪。長安坐累。玉挂印。列不與環賜。無期誰任紀綱之耳目。而三公才立。大僚星希。夢卜不求。會推弗允。誰任紀綱之股肱。而

西席塵封。不示開講之益。諭教匪豫。不重左右之選。誰任紀綱之根本。又况惰窳成習。積弛不奮。人以官為傳舍。若泛梗之適。遭官以事為偶寄。如遠廬之一宿。彼此互推。孰課其功。前後相諉。莫受其咎。因循之過。所謂上與下交任之者。大抵一代之興。開創則精明。勃鬱累葉。則頽廢不支。一君之身。初政則策勵交持。末路則昏倦或乘。猶之初氣銳。終氣衰。強弩之末。不能穿魯縞。猶之朝風疾。暮風徐。衝飈之餘。不能起斷蓬。然則反弛為張。操紀

綱以振人心世道之失者其竅會可知也騁康莊者垂腹委轡
有時而仆念及于覆轍則羊腸或可為安途涉鴈淵者棄楫亂
濟有時而沒念及于摧檣則瞿瀕皆可為順流特在我
皇上之一自振耳誠以人責事以事責功職業之司如典衣典冠各
不相混而人何敢恣于職之外以名思分以分思義上下之定
如乾尊坤卑各不相侵而人何敢越于分之內慎官師之任以
廣厲學宮士有敢以淫應者乎躬節儉之行以示天下先而人
有敢以侈應者乎明和衷之誼振師濟之盛則官方不競也一
任議之途信賞罰之條則國是不囂也一身之中天君定其主
宰而五官百體靡不奉令以聽一家之中主人翁整頓其精神
而亞旅疆以靡不執事以從將風移俗易夫世道人心而不翕
然雍熙者未之有也以追

祖宗之休寧獨比隆漢唐宋已哉抑愚猶有說焉夫人主一心耳而
同而中之者五千百心書所稱成湯之聖也有曰不殖貨利心
至清也一中于澗濁之財而清白之氣愈昏愈濁遂溢于人政
之間而昏濁之氣愈蔓愈衍風俗敗而紀綱亦益以弛獨不思
人主天下之身也何天下之財非人主之用願乃以之昏心哉
以
皇上明聖遠邁成湯而願以
宸嚴不勝戰慄隕越之至臣謹對

烈一惟我

皇祖成憲是訓是遵乃紹庭徒切判與未融戒諭屢申泄沓莫振
 非不言獎悟而躁競之習愈滋非不言旌廉而婪墨之風轉
 熾猶是民與賦也昔胡以公私兩利今胡以上下交困猶是
 屯與鹽也昔胡以邊腹灌輸今胡以軍商耗竭竭民力以養
 兵而索餉有兵遇警則單弱立見矣借撫賞以修備而循名
 有備覈實則虛飾如故矣綜稽以釐弊而弊即在綜稽之中
 明罰以懲姦而姦反隱明罰之內諸如此類未易縷指豈果
 法之不可行歟抑行法者未得其要歟殆所謂必有治人而
 後能行治法其責安在朕遠慕勅

天喜起之歌思百工之所以熙庶事之所以康實有不容自寧者
 爾諸士目擊時艱有慨于中久矣其悉臆以對毋泛毋隱朕將有採焉

臣陳于泰

臣對臣聞聖人之治天下也必有以人維法之模而後疏
 附後先合以成粹精之理必有以法維人之畫而後禮樂
 刑政分以奏明作之功何謂以人維法有一法即有奉行
 此法者無人以奉行之則因仍漸失其舊故典章成憲皆
 法而率循此典章成憲皆人也何謂以法維人有一人即
 有綜覈是人者無法以綜覈之則班聯將溺其職故印纒
 綬若皆人而責成此印纒綬若皆法也法立則名必核其
 實言必課其功而人無以自逡指之簡兵清餉理財用人
 皆挈其大而事事有條有理矣人得則任必先於議公必
 勝於私而法無之或替推之愛名惜誼恥爭好讓皆務其
 實而在在可建可豎矣故公私得以兩利邊腹得以交輸

就民可以養兵而民仍不病于賦就兵可以衛民而兵自
不窮于餉則法自足以繩人而雖有踈競貪婪之思弗敢
逞也人自足以守法而雖有因循沿習之陋弗敢仍也古
帝王所以恭已無為而收師濟之勳聲色不大而集臣鄰
之益率循此道也光而大之端有望於今日矣欽惟

皇帝陛下

奉三無私

建五有極

乾斷執火風之鼎

晉光通山澤之咸

德協重玄猶集虚心於玉帙

治臻上理更勤清問於金華

天出王游衍罔怠

事事率

祖上下陟降惟勤

重農事而躬耕籍田薄賦輕徭不必陳七芻之風

勤問學而身親講幄月將日就非徒窮二酉之祕

建中和之極兼總條貫五百年金聲玉振久而彌光

一後先之揆遠溯淵源十六字帝典王謨操之有要允矣

太平天子卓哉

至道聖人固已六五帝而四三王矣乃

聖不自聖謙而又謙進臣等於

廷悉以諮之首推唐虞知人安民之謨仰追

二祖因材器使之方以及奴酋之若何剪除流寇之若何撲滅兵

餉之若何通融軍民之交相利賴屯鹽之欲復其舊漕馬之必循其原而終歸于破格用人以臻平康大哉

王言真所謂計謨定命遠猷辰告也草茅之士鬱積久矣敢不傾瀝對揚憶其葵藿以副

明問也乎臣聞國家之所與治者人也有人則天下治無人則天下擾人才之効用于國家者非一途也任得其人則無不治用違于才則無不擾堯舜之如天好生濬哲文明稱極仁極智矣而陳謨天訓惓惓於知人以安民者則轉務天下之要樞固不出乎明明揚陋之外也

太祖高皇帝肇造區夏

成祖文皇帝載靖邦家孜孜訪求賢才以圖治理令內外諸司各舉所知責成吏部甄別賢否因材授職都察院考察覈實

六部毋輕調藩臬選賢能收守須久任何其用之殷辛專而慮之遠也創業垂統綏冥斯民與勳華無異軌矣

列聖丕承奕葉重熙蓋

二祖以堯舜之心為心故都俞賡于堂簾

列聖以

二祖之心為心故拊髀勤于夢寐二百六十年治安如一日者非偶然之故也我

皇上求賢若渴用人不次調宜麟遊於郊鳳翔於邑偕斯民於協和風動之域乃數年狡奴窺伺於東插套挾要於西盜寇之蔓延無已氓庶之徵調未息金甌全盛之天下而有捉襟露肘之形固宜有以煩

聖慮也噫嘻此孰非士大夫事而不肯抒忠宣力為

國建戡定之績此殊不可解也夫四民之中士爲首勵磨之術士爲先離經叛道者黜而經術重巧躡速化者擯而德行全士心定而後天下之治可次第而言也奴首本我屬夷羈縻無術遂至披猖一壞于四路之輕入而開鐵陷再壞於經撫之易局而遼瀋危三壞于戰守之爭執而廣寧棄非奴能乘我我爲可乘耳誠以守爲戰反客爲主夜郎之強不及漢大未見長纓之不可請也流寇本我窮民積漸不已遂至蹂躪一窮於倚山之爲固而富未易清再窮於各省之觀望而權不歸一三窮於移徙之無常而突不可禦非寇不可除我無以除之耳誠師出以律有進無退鼠竊狗偷假息旬餘未見一鼓之不可散也兵誠不可撤矣今日定營制明日更營制而兵終無一定之數則老弱

之不汰可乎訓練則鴛鴦成行鼓舞則鳳鶴助勁請以精之說易其撤可矣餉誠不可感矣今日請額例明日請壓欠而餉終無報足之期則虛冒之不核可乎守則四知之嘗嚴侵則一錢之罔貸請以核之說易其減可矣阡陌未嘗不墾也鹹鹺未嘗不煮也自抽屯補伍而耕種無人自貴戚乞討而耕種無地自商不輸粟而輸銀而開中之法壞自鹽壅於公復壅於私而度支之用窘則修屯政以復鹽法者不可以條議爲塞責也舟楫非不時往來也驗烙非不時申飭也自雨暘失序而漂滯可虞自包攬公行而弁蠹莫問自倉之不盡其力而雲錦之色以減自策之不能達其材而馳驅之則罔閑則通漕糧而修馬政者不可以奉行爲盡職也果韓白之登壇何受降之城不可築果

劉韓之持籌何東南之賦不可蠲果郭李之在邊何秦何者不可成臂指之用果龔虞之治郡何竊發者之不可成綏撫之功故天下不患多事而患人之莫肩其任也不患無人而患用之莫究其施也如必門第以取士停年以用人雖無雙之國士終受抑於騰下矣官人惟賢之義不如是也豪傑特出之資其可拘滯歟如必一青為大德之檢寸朽有合抱之棄雖三敗之孟明無以收功於焚舟矣使人以器之義不如是也鉛刀一割之用其可不珍惜歟嘗

誦

高皇帝論侍臣用人之道曰材大者當重任之材小者當輕任之又曰凡事勤則成怠則廢賢人君子盡心如此豈有廢事蓋所謂用人而又以課人用者抒其約結欲伸之氣而課

者作其實亮篤恭之忠也抑臣更有進焉書曰后克艱厥后臣克艱厥臣君臣固交任之者也則提綱挈領合羣策羣力而又安一世是在

皇上之一槩率之耳臣草茅新進干瀆宸嚴無任戰慄隕越之至臣謹對

皇土之一樂率之江引其樂池並干費
皇土之一樂率之江引其樂池並干費
皇土之一樂率之江引其樂池並干費
皇土之一樂率之江引其樂池並干費
皇土之一樂率之江引其樂池並干費

戊辰科 崇禎元年

劉若寧

皇帝制曰朕聞任賢圖治帝王之首務自昔聖主賢臣相須其
濟其君闢門張網務以招徠天下之豪英惟恐遺漏而其
臣同心一德共以肩荷國家之機務無復猜嫌書言翁受
敷施繼之百僚師師詩言棖棖髦士繼之金玉其相益求
之非一地聚之若一人類如斯也載考當日官制唐虞稽
古建官惟百夏商官倍周官三百六十以官限才得無遺
佚之歎歟且唐虞之世已云萬幾三代損益事體漸繁如
才不盡於服官將官必至於廢事而熙載亮工咸和不冒
其治理卓絕千古又何歎洪惟
太祖高皇帝即位初年分遣使臣訪求賢才其
諭待臣有曰天地交泰以成庶類君臣相須以成治功又

狀元策

策

曰任人之道譬之用器可任重者重任之可任輕者輕任之當
日設官分職大約仿虞周之制度用能揭日月於重新維
天地於不墜直與唐虞三代比隆已朕藉

謨烈之遺履剝復之運除奸去佞剔蠹流膏曠然欲與更始而
紀法未盡修明蒼黎未盡寧戢其大者如奴孽漸勾西虜
插首逼處宣雲逆彥授首尙稽閩寇鷓張無忌餉日耗於
多兵乃遇警又患兵少而且驕悍不前輒曰無餉民日困
於加餉乃轉運又苦餉詘而且侵冒多端動曰在民當此
兵民交困之日所賴大小任事之臣朕用是寤寐賢豪弓
旌四出庶幾隱鱗戢翼咸際風雲顧所謂經文緯武之儔
詰兵理財之效尙未覩一二何歟將用不盡其才官或枉
其用歟語曰將相和調則士豫附又曰百官和於朝萬民

和於野意者無猜無虞同寅協恭固上臣矢報之精心亦
建監功猷之根本也爾多士以新發之劍當朕訪落之日
其各率意言之無諱

臣劉若宰

臣討臣聞帝王之臨馭宇內也必有振綱挈領之精意而
後可以統攝萬幾分秩庶正奏雍熙之上理必有分條析
目之實務而後可以因材用器量能任官闢鞏固之宏猷
何謂綱領人主所謂默運於淵衷而鼓之以勵精操之以
行健融融焉使四海並遊於庶績咸熙之世而不知經緯
之何從者是已何謂條目人主所爲顯推之共任而照之
以空鑒持之以平衡適適焉使羣工偕奮於百度惟修之
朝而罔敢怠荒之或數者是已惟有所默運於其中也故

百官寅協而治群力環拱而陳雖口代天言手代天工各自効其股肱耳目之寄而露雷風雨天不言而歲功成惟有所共任以爲用也故長短畢呈其技偏全各省其形雖小而服采大而服休亦衆成其翼爲明聽之資而風虎雲龍聖人作而萬物睹古帝王恭已無爲而四方風動照臨有赫而百辟惟休用此道也藉令綱紐之自弛而徒責效於登庸則課職課功之權誰實司之卽令品藻之不清而但求功於殿最則量德量能之法誰實任之誠欲薪熯弘開而網羅畢効則任賢圖治之幾端有望於今日矣欽惟

皇帝陛下

剛建中止以立極

聰明睿智而有臨

層數在躬帝謂予懷明德

乾綱獨振人言幸際太平

集岳牧於彤庭大法小廉共勵平康之治

備箴銘於紫幄清心寡欲特開勤儉之風

爲天下得人五百年傳築伊耕一卜金甌立召夔龍於左在

惟一念作聖億萬載鄒趨魯步重開玉帙欣陪孔孟於後先

雷霆震而天地清祛七日之叢神社鼠城狐頃刻咸消於見

振

日月朗而風雲會彙三朝之茅茹祥麟威鳳班縣共慶於瞻

雲允矣偉烈豐功莫罄口揚筆述是真可以四三王而六

五帝者矣迺猶不自滿假進臣等於

廷而悉以各之如置輔陳殷之典量能授職之規熙載亮工之

猷威和不冒之化皆津津

下問靡遺而且勤倦於紀法之未盡修明蒼黎之未盡寧戢
奴孽漸勾西虜挿首倡處宜雲逆彥授首尙稽闔寇賜張
無忌兵騎餉乏民困運窮外履疆圉之憂內勞輸輓之計
殷殷

聖慮燎若觀火而

闢門之訪更及芻蕘此雖帝之疇咨王之訪落何以過也臣

誦讀草茅雖沾卑徒勤而蒿目時艱翹首

明盛芹曝之忱盪於葵藿久矣敢不矢心披瀝效一得之愚
以爲

陛下獻焉臣聞之君猶天也天爲四時之宰而綱維幹旋之柄
則天任之分布流行之用則四時任之故雨暘寒燠不一

其序生長收藏不一其功而要以四時不自爲用而爲天
用此四時之効順也君猶心也心爲五官之令而樞環轂
轉之脉則心任之左宜右有之資則五官任之故視聽奔
走不一其役聰明靈運不一其能而要以五官不相爲用
而爲心用此五官之稱職也夫人君者上之有論道經邦
之佐而下之亦有理煩治劇之司豈曰克庭之乏人與然
而人卽不乏也何以使振鷺之羽儀而皆爲登堂之簞簋
且精之有考綜名實之術而嚴之亦有幽明黜陟之權豈
曰選法之罔效與然而法卽非弗效也其何以使互越之
樽庖而終無易混之等越故恐八紘八績以收之而收不
勝收矣置兔亦有腹心冥鴻亦有羽翼海俊又明庭之彥
必皆師濟之臯夔乎且三等五等以辨之而辨不勝辨矣

燕石皆能潤玉魚目亦可亂珠而旁求甄別之英必昏庸
敏之譽髦乎是以唐虞稽古而有庶明勵彛之勳成周懋
建而見思皇克生之盛非其隆同寅協恭之誼則其嚴懋
功懋德之程也非其敦靖其正直之忱則其明率屬糾虔
之職也哉

太祖高皇帝靖滌胡氛肇闢區夏啓重明之日月定再造之乾
坤固已流唐漂虞滌殷盪周而其分職設官則基布星羅
朝無倖位求材詢士則家變戶契野無遺賢觀其
諭侍臣有曰天地交泰以成庶類君臣相須以成治功此

堂簾指臂之義真可垂

訓萬禩而又

曰任人之道譬之用器可任重者重任之可任輕者輕任之

煌

天語弄直一時登用之成規實千古籲俊之良法也

列聖相承恪遵

明憲用能維貞百度以世顯周頌

陛下烈纘鴻基光揚大業修明

祖制釐剔臣工慮百職之偷窳則以各陳職掌

而諭之虞羣位之紛撓則以協力同心嚴

戒之欽承

堯舜之君快覩拜颺之盛此固宜人人自奮而事事畢舉已乃

猶有負疎曠之羞而業虞叢脞失矜羣之誼而喙起爭鳴

誠如

制所慮者臣愚以為事主之義同舟而共濟者也前者任職

後者任櫓遇風而呼而猝罔不應焉洵涌澎湃之間亦可以無患矣受臣之職同室而格鬪者也捨者護手猝者護足乘力而抹而衆罔不齊焉周章勃率之際亦可以俱生矣今夫以三尺之喙而使如沸如羹是徒以蠻觸爭也獨不可以和羹劑乎以五寸之鍵而使忽閉忽開是更以蟪蛄持也獨不可以典冠守乎一人而不必分兩人之用則勿使成連鼓上而成竅鼓下也此論而勿煩彼論之參則無使佐饗得嘗而救闕得傷也况夫陶之爲埴也其質固已定矣隨其質而稱使之安知用不等於金玉乎冶之躍金也其才自有餘矣取其才而善成之安知棄必同於瓦礫乎騏驥不可以逐鼠梁麗不可以窒穴則何爲以所短詘用其所長戚施亦可以直鑄籛條亦可以蒙鏐則何爲

以所取盡淹於所擯謂是駕之馬必不以駮乘則古亦有嘆約束無奇者何不寬於錄品而嚴於謀功謂飛冥之翮必不以弋慕則古正有念汗青無日者何不廣於搜逸而迫於責效夫然後覈實之政可行也共謹不能爭搜契之座水土不必攘稼穡之成此亦可訪而問者已夫然後青肆之典宜明也隨刊不必庇羽山之殛斧斯無所逃監國之懲此尤可詳而議者已材當則能必効功審則庸必奮任久則績必著法嚴則令必行而更以

聖天子明鏡止水之心闢門推轂之用延攬俊傑登額英良世固不乏遺大投艱之材經文緯武之略皆爲

陛下羅而致之而涓埃可報肝膽寧私臆技卽窮駑才足策又且何功不効何績弗成而尙有孽虜屢夷兵荒食匱之足

患哉且夫兵非乏也而用兵者之未始有用用兵者也虎頭或疲於生入而猿臂亦詘於數奇投石超距之英亦有自行伍而特簡者乎使其築淮陰之壇屈南陽之膝更不必禁中嘆頰牧矣餉非賈也而任餉者賈亦未始有任任餉者也流馬既憊於轉輸饑鳥更饑於剝啄營平建武之策亦有借前箸而深維者乎使知筆刀亦可佐關中智囊亦足籌塞下則不必以量沙驚夜唱矣此今日之兵窮而咎不在兵也亦不止一兵也餉匱而咎不在餉也亦不獨一餉也故爲今之計者惟虛心以任人而乃實心以任事則無論擔荷也雖代庖而亦可分品以授事而又合力以成功則無論堯舜也雖矛盾而亦可方今

聖天子側席下求諸臣努力請効而猶患有事與人違議與任

忤朝成夕毀左支右吾者則亦何以仰副

寤寐若渴之思而俯塞夙夜匪懈之責乎抑臣猶有進焉

泰交之景運明與良交成之而其權實獨操之元首故取人以身帝王之首務也

陛下躬修明德以爲賢士之標隱鱗戢羽皆望鶴赴之何不在以勵其凝之績而成中興之治哉是在

陛下提其大綱一振而飭之耳臣草茅無知干冒

宸嚴不勝戰慄隕越之至臣謹對

評

亦整亦練如圭如璧真盛世之文

醇正如董疏宥如蘓讀之絕不見排比之迹所以爲佳

衣冠衣弊收去破弊真益世之文

等

宗氣不絕輝科則族之至可謂博

對不其大臨一琳而曾之其草萊無暇干官

以備其缺之蘇而取中興之當道長安

聖不謂新制與以爲禮上之默訓彌邦既非至道安之則入

天許訪知人以世帝王之首務事

本之文景張與以文規之而其淵實證難之

深非若此之思而前秦風亦謂之責等則亦不盡也

計則如之與去支亦吾者則亦可以增也

乙丑科 天啓五年

皇帝制曰朕惟自古順治威嚴之世其君臣未有不同心一德

交傲無逸者若虞廷之都俞吁咈殷宗之嚴恭寅畏周文

之自朝至于日中晏不遑暇食蓋其盛矣故書稱無忌無

荒四夷來王言圖治必勵精而化遠先孚近也我

太祖高皇帝諭羣臣有曰凡事勤則成怠則廢賢人君子盡心

如此朝廷豈有廢事

成祖文皇帝諭近臣有曰朕每外朝畢則取經史覽閱未嘗敢

自暇逸卿等宜體朕此心相與勤勵無厭斁也

煌煌聖訓直追蹤虞帝媲美殷周矣則夫廓清靖難之烈固本

于一念之憂勤歟朕以冲齡踐祚撫有鴻圖早暮親賢春

秋典學亦惟是廣詢治道思續述光揚之爲兢兢而已迄

于今日業及五年凝精罔敢少懈勤政常如不及乃鳳儀
麟育河清璽出似天爲降鑿矣而水旱頻仍災祲不已則
儆予之天何凜凜也請纓志壯露布功高似衆咸用命矣
而覆軍旋報鷲伏叵測則衡命之衆何紛紛也將朕之軫
念徒殷德意尚未沛歟抑有司習爲窳惰奉行之未力歟
將朕之宵旰徒屢推轂猶未當歟抑邊吏安于寢堂實政
之不修歟夫竭百姓之脂膏以填三軍之谿壑則內病撤
貔貅之保障以培閭閻之命詠則外病茲欲內外兼利聿
臻至理遵何道而可爾多士學古通今日擊時艱尚籌所
以振起積玩之人心鼓舞積頹之士氣果有裨于安攘其
盡言而無諱

臣余焯

臣對臣聞帝王之臨御天下也必有憂勤無逸之心默操
於宥密然後臣庶之精神奮而國脈無頹敝之虞必有嚴
肅不渝之法顯攝於寰中然後朝廷之憲典尊而國勢無
廢弛之漸心之存也無事不有罅漏何以防其微無時不
有怠荒何以窒其隙非曰宵旦皇皇而遂可與欽哉此隆
法之行也近守之而遠未必遵何以稱畫一之治賤遵之
而貴未必守何以服衆口之譁非曰詔旨諄諄而遂可與
勅幾比烈有心以操其法將天下曉然知皇衷之振厲如
心君運而手足無痿痺之憂穆然端拱而令甲昭於日星
有法以運其心將天下肅然知方策之維新如規矩彰而
方員無徧歌之患赫然出治而神功爍於霄壤此聖帝明
王所以奠安中夏攘却外夷收順治威嚴之化於俄頃而

追唐虞三代之治於千秋繇此道也借心與法二法與心
違卽求治如不及而衡石程書之陋原無補於治功自古
勵精之主不少而郅隆之理常遙則以聖明之出不偶而
景運之開有待也欽惟

皇帝陛下

天表凝香

河清應瑞

嗣宗踐服際五百年氣運之中

累洽重熙承六七作聖賢之後

精義務明於郊社昭及天母地一氣之神

肅將特致於宮墻守重道隆儒萬年之業

明罔弗照如昧爽而馳至於日中南北東西無不思服

威罔弗加如殷雷之洊盈於霞號昆蟲草木無不知驚固已

德協重玄

治臻上理四三上六五帝矣乃猶不自滿假進臣等於

廷咨以同心一德交儆無逸之旨而遐暮乎虞廷之都俞咄咄

殷宗之恭嚴寅畏周文之日昃不遑若猶以今日之憂勤

有歉於當年之惕厲者有君如此其忍負哉雖草茅咕肆

之餘無當於

明廷經濟之實而

清問惓惓敢不披瀝以對臣聞君猶天也天以一元提化籥而

四時五行各司其今天未嘗代四時五行而轉軸也天以

一氣布玄功而風雷雨露各當其施天未嘗代風雷雨露

而運樞也人君以一身處億兆臣民之上物物而調之精

不給也事事而理之力不逮也所恃以維持天下者不得不以天工寄之臣子故虞廷兢業而賡歌則曰百工起哉庶事康哉殷周無逸而風愆亦曰傲於有位君之不獨瘁也自古記之矣但君無以率作於上則堂陛之精神不奮將以一人之逸豫而開滿朝偷惰之端偃偃居息之咎未可獨歸之臣也君無以節制其下則臣寮之心志不齊將以一事之寬假而啓後來幾倖之心蹇蹇匪虧之節又未可遽責之臣也惟君人者穆清之中必不敢以錦衣玉食爲吾身之安而念及作君作師上大之責任爲至重宮府之間必不敢以喜怒頻笑爲一人之私而念及作福作威下民之觀望爲至密如是而心旣操矣法旣運矣心操而乾健之職不渝凡此臣庶誰非踐土而食毛者而忍視其

焦勞乎有不率則鬼神之鑒臨有赫矣法運而乾剛之紐不弛凡此臣庶誰非懷德而畏威者而敢仍其玩愒乎有不恪則雷霆之擊斷不爽矣要使九重之志意密與天下相搽而三尺之威嚴顯與天下相攝書曰戰戰兢兢日慎一日此非其心之操天下者乎詩曰勉勉我王綱紀四方此非其法之攝天下者乎迨末世而治統幾湮矣其暇逸怠荒者無論卽英明之主內多欲而外施仁義矣安在其能無逸也又或求治太急而煩策急變以御天下天下益譁然而不敢服乃猥藉口於勵精之無裨不已過乎洪惟我

太祖高皇帝肇造區宇還日月於中天其諭羣臣有曰凡事勤則成怠則廢賢人君子盡心如此朝廷豈有廢事我

成祖文皇帝再闢乾坤卜鍾簞於萬世其論近臣有曰朕每外
朝畢則取經史覽閱未嘗敢自暇逸卿等宜體朕此意相
與勤勵無厭敷也

煌煌聖訓方且媲美虞殷駕軼周文矣故當時天心仁愛而赤
子安樂樂利利之天邊鄙輯寧而朝廷受來享來王之福
則是勵精之大有造於天下也我

皇上冲齡踐祚撫有鴻圖親賢與學勤且切矣而日者水旱頻
仍災祲不已覆軍之報時見於羽書伏莽之憂正深於虎
幄將以多難興邦殷憂啓聖爲

上慰乎臣又恐以勵精無效之說獲戾於

上也臣以爲當今之弊不在心之不存而在法之不立今極
民之

詔屢下而有司之奉行何如閭外之轍特推而邊吏之防禦何
如貪酷之懲不謂不嚴而倖漏於網者猶以髓敲筋以資
緣其華秩敗軍之戮不爲不峻而巧逃於律者仍刺車源
餉以自固其與援臣不知鞭蒲之風酌水之節昔何多而
今何少也又不知超距之雄塞旗之烈昔何有而今何無
也無是而

皇上之法何時得伸

皇上之憂何時得釋也夫欲安民生莫若重有司而欲精吏治
莫若嚴黜陟今之以循良而博華廡者果皆治平第一政
比祥鸞者乎抑亦徇於毀譽之物情而毀譽之間又微有
以轉移之者乎欲平外患莫若重主帥而欲謀邊功莫若
嚴賞罰今之以敵愾而勒旂常者果皆折衝千里比績鷹

揚者乎抑亦聽於幕府之文法而文法之間又密有以上
下之者乎此皆竄

皇上之法而使勵精之効不得見於今日也

皇上銳意中興嘉與天下更始不於此時恪守

祖宗之法使天下洗心滌慮以成一代之休明天下更何賴哉

抑臣猶有

獻焉士氣積頹人心積玩誠有如

聖制所慮而虞之闢門殷之夢下周之樸棧蓄莪則皆帝王之

聲氣足以發山川巖谷之奇而合雲龍風虎之會耳今

講帷時親

睿修日懋古昔帝王有勤學如我

皇上者乎而聲業緝熙於深宮寂處之時猶不能不踴躍至於

皇上蓋臣嘗竊聞我

聖祖之諭侍臣有曰人之一心攝持甚難朕覺此心如兩敵然

時時防閒尚未能也則平日存心之功無一息之間蓋可

知矣至如親註周書之洪範類編聖學之心法講君臣行

事于壁間書大學衍義于西廡存心之密至于如此誠

聖子神孫之所當取則也草莽微臣不識忌諱干冒

宸嚴不勝戰慄隕越之至臣謹對



